





道光十有七年刊
藏板

新三齋

古

重刊河朔訪古記敘

晁君星門校正河朔訪古記將授梓屬余敘之謹按



四庫全書提要曰此書久佚今散見永樂大典中者惟一百三十四條所紀皆在真定河南境內而其餘不存然據今所存諸條其山川古迹多向來地志所未詳而金石遺文言之尤悉皆可以爲攷證之助謹彙而編之真定路爲一卷河南路爲一卷云云乾隆五十二年恭校上惟此書聚珍板排印無多人間難得近有真意堂吳氏刊本錯繆不可枚舉星門昔遊京師得翁學士

方綱寫本前有鄒侍講奕孝擬撰提要末題乾隆三十
九年某月校蓋初輯擬進之本也而舛誤亦所不免此
二本皆分三卷以真定路爲上卷計六十二條河南路
爲下卷計二十九條內分彰德路爲中卷計四十三條
合之亦止一百三十四條星門乃卽二本互校擇是而
從其不照者旁撫他書更下己意因屬審定余讀之而
嘆其精且確矣顧黤淺之見有與所校相發明者如鉗
耳府君碑下云君名文徹曾祖靜馮翊太守父康周荆
安寧鄧四州總管別駕徹上本皆脫文字校據集古錄

補按元和姓纂後魏馮翊太守籍耳靜孫康買周御伯
大夫聘梁使生文舉文固籍耳世系與此相符則徹上
脫文字更有文舉文固兄弟行可證惟所云父康歷官
不同未知卽康買否或伯叔行康下當亦脫一字蓋集
古錄舊有脫誤相沿而不察耳尉遲公廟碑下云兼梁
益等十八州事又總秦衛文康十四州事校云梁益石
刻作益梁周書作益潼按北史亦是益潼惟秦衛二字
今石本闕北史謂總管秦渭等十四州諸軍事此則以
渭譌衛至康亦遠不相屬也韓諫議碑下云昭文館大

學士衛國公衛本皆誤魏校據石刻改按此碑立於嘉祐八年十一月宋史琦以英宗嗣位封衛國公正在是年及治平元年乃封魏國公後人習知有韓魏公而不知其嘗封衛此所以誤也昇仙太子廟下云周靈王太子名晉字子喬翁本脫子字校云飛鳧者王喬也乘鶴者王子喬也蔡邕王子喬碑王孫子喬者蓋上世之真人也不知興於何代則又不以爲靈王太子按史記索隱稱裴秀冀川記緱氏仙人廟者昔有王喬樾爲武陽人爲栢人令於此得仙則非王子喬也至記史丞相云

武仙之亂公兄天倪遇害主將欲盡誅郡人公忍忿含垢亟諫數四乃得全活元史則謂仙復結死士於城中爲內應實訥岱怒忿民之從賊驅萬餘人將殺之天澤力爭得釋記杜文獻云尼瑪哈行省徵至彰德辟爲諫議官不就遂隱居教授元史則謂教授汾晉間中書鈞祐祿珪開府於相瑛赴其聘遂家焉此皆史與記不同作記者元人當得其實校云元史有不足信信然凡此數條姑舉以質星門倘得附箸其說歟又記云秦安陽漢廢以其地入蕩陰屬河內郡魏併入鄴按元和郡縣

志安陽漢廢以其地屬蕩陰而不言魏併入鄴舊唐書地理志曹魏時廢安陽併入鄴而不言漢廢入蕩陰此則廢置分併原流詳悉余方重訂三國疆域志謹錄此條以見魏時蕩陰較漢縣差小鄴則較漢縣爲大洪氏亮吉概云舊縣則於分併猶未詳耳卽此已資鄙箸其他可爲攷證之助者多矣世有同志其無隱焉

道光十有七年長至前五日吾田愚弟許畹拜撰

河朔訪古記卷上



元納新撰

六安晁貽端校刊

常山郡部

常山郡部真定路禹貢冀州之域春秋鮮虞之地晉滅之戰國屬趙秦爲鉅鹿郡地漢初置恒山郡避文帝名改常山郡屬真定國晉仍爲常山郡魏因之徙今治後周立恒州隋復爲恒山郡唐初曰恒州天寶改常山郡又改平山郡尋復常山元和避穆宗諱改鎮州升成德軍五代梁曰武順軍晉曰順德軍漢曰成德軍周及宋

皆因之宋尋改真定府爲河北重鎮金因之置河北西路國朝初仍爲河北西路懷衛邢洺磁相保大名河間皆隸焉後改真定路總管府領縣九曰真定吳本此下誤衍一日字欒城元氏靈壽獲鹿平山阜平藁城涉縣領府一曰中山領州五日冀深蠡晉趙府州所鎮縣凡二十有一真定路錄事司國朝所建立專理城內城之外則真定縣所理城中今置燕南河北道肅政廉訪司吳本作使據元史及及真定路總管府以鎮之錄事司真定縣二官署皆在城中

漢高祖攻陳豨改曰真定魏爲常山郡治故城今在縣南元魏移郡治于府城中隋廢郡唐復爲真定縣屬鎮州宋金因之屬真定府國朝爲真定路倚郭縣

藁城縣戰國趙武靈王爲九門縣漢爲藁城屬真定九門屬常山晉省藁城北齊置鉅鹿郡省九門唐置廉州復改藁城州尋廢又置九門縣曰觀州州亦廢並屬鎮州天祐置藁平縣宋置藁城省九門入焉開寶三年廢金復置國朝因之爲真定路屬縣已上六字吳本脫

欒城縣春秋晉靖公孫賓食邑賓因以欒爲氏西漢爲

關縣即今治也東漢為欒城縣故城在趙州西北十六里今日輪城是也晉省後魏復置隋置欒州尋廢唐改

欒州翁本作欒氏貽端按唐天祐二年更屬趙州後屬

真定宋為欒城金因之國朝為真定路屬縣

中山府城古翁本作中山唐翁本作堯始封此禹貢為

冀州之域春秋鮮虞國也初為中山魏并之秦為上谷

鉅鹿二郡地漢置中山國治盧奴後燕慕容垂都此元

魏為中山郡隋為博陵郡尋改高陽唐為定州又復改

博陵郡升義武軍宋改定武軍升中山府中山郡金翁本

作今仍為中山府國朝因之為中山府隸真定路領縣

三日安喜為附郭縣曰新樂曰無極

安喜縣春秋鮮虞之地戰國為中山魏文侯使樂羊取

之以封太子至疑當作擊漢為盧奴苦陘二縣之地東漢為

漢昌縣魏改魏昌元魏立安州尋改定州北齊遷安喜

于今治隋廢安喜屬博陵郡尋置鮮虞縣唐復為安喜

宋金因之國朝以安喜為中山府倚郭縣兼理城中

趙州城中禹貢冀州之域春秋屬晉戰國屬趙秦屬邯

鄆郡漢屬恒山鉅鹿二郡地晉為趙國北魏趙郡兼置

河朔記 卷上 三 待學樓

殷州理象城北齊為趙州隋改欒州尋為趙郡唐復為欒州尋改趙州又為趙郡屬河北道宋初仍為趙州崇寧中升慶源軍尋升慶源府金天德三年改沃州因與趙音同又取以水沃火之義云國朝復為趙州隸真定路領縣七曰平棘為附郭縣曰寧晉曰臨城曰高邑曰栢鄉曰隆平曰贊皇

平棘縣

翁本首有趙州附郭曰五字

漢初屬常山郡後置宋子縣晉

屬趙

吳本作越誤

國後魏為趙郡治所復置宋子縣隋自象

城移趙州治此改置平棘縣唐宋金皆因之國朝為趙

州屬縣倚郭縣兼理城中

管仲曰鄙邑之黍春秋納荀卿于栢人鄙為晉邑栢鄉

即栢人今治即鄙邑也漢屬鉅鹿郡高祖八年次栢人

趙相貫高謀殺上上心動問縣名栢人上曰栢人者迫

于人也去弗宿即此地也光武即位于縣之五成

翁本作城

陌千秋亭

貽端按千秋亭三字當在五成陌上

更名高邑為冀州刺史治

所魏改栢

吳本作陌誤

仁隋置栢鄉縣于彭水之陰

按舊唐書是陽

字即今治也唐因之屬趙州天寶改堯山縣宋省栢鄉

入高邑而存堯山金

翁本作今誤

復為栢鄉屬沃州國朝因

之爲趙州屬縣云

元氏縣西北三十餘里曰封龍山星文圖曰山應軒轅
十星屈折若飛龍之狀故云山陽有龍首峯高二百丈
上有立石數莖望之若龍骨也峯東北五里又有獅子
峯高五翁本作三百丈若獅子蹲踞又有熊耳峯高五百丈
又有玉石峯螺峯南北天井皆西北最高之峯各以其
形相類而名也又有石人峯在東南隅三石相向屹立
各高三四丈儼如人形又有孩兒華蓋二峯名仙人臺
則在螺峯之西怪石相承如臺故云山絕頂有二塔獅

子峯後數百步有白雲洞世傳張果老所居又有龍井
而水簾在龍泉之上垂二丈許雖祁寒不凍大旱禱輒
應云

千萬壘

翁本作壘貽端按元和郡縣志亦作壘太平寰宇記作壘

趙州平棘縣南五

里按元和志寰宇記俱云縣南一里

安濟橋南有壁壘

翁本作壘曰千萬今

俗呼爲西壁營昔漢安帝永初元年以鄧騭任尙討羌
無功而還後羌遂侵河內趙魏民驚恐北軍中候吳本作侯

誤朱寵將五營兵屯孟津詔魏郡趙國常山中山繕作

塢壘六百十有六所

按後漢書西羌傳云塢候六百一十六所其數正同而元和志寰宇

記俱云塢壘六百一十處蓋脫下六字也此卽一也今河羌人居之

欒嵒山自注音權髦貽端按集韻六豪嵒通作旄謨袍切注蓋本此又十遇嵒下列旄則爲亡遇切本

作務顏氏家訓栢人城東北有山或呼虛無山莫知所出讀城西碑銘云上有欒務山乃知俗呼宣務山卽欒

務在栢鄉縣南乃土山也今屬順德路唐山縣境卽古

栢人也欒嵒山出五色石

真一泉真定路府治西街居民舍下有一井極甘美曰

真一泉金章宗嘗取惠山泉與此水較之其味大勝章

宗因曰真一潤二遂以名其泉云

盧水中山府城濠水流入城中爲盧水水經注曰盧奴

城內吳本翁本俱脫內字據水經補西北隅有水囿而不流南北一百

步東西百有餘步水黑色俗名黑水池或曰水黑曰盧

不流曰奴故曰盧奴云自漢自字下原注原本缺一字今據水經注補至燕

皆引滌水入城今水竇旣毀地道亦絕惟池水流出城

外潭積微漲涓水吳本訛滑滑翁本訛涓涓據水經注改東北流注于滌

水也

涇邑縣故城安喜東南五十里本趙之涇城也史記曰

田叔趙涇城人也漢爲苦涇縣屬中山國章帝改漢昌

魏改魏昌北齊廢隋置隋昌屬博陵郡唐改唐昌屬定

州天寶間改陘邑至宋康定定字吳本脫初省入安喜迄今
為墟市民居甚眾豪商大賈皆集焉市衢之西有西門
豹之廟此卽史記所謂陳餘游苦陘得富人公乘氏女
所也

新城在縣北三十里曰新城鎮卽古

翁本有之字

新市縣也

為白狄鮮虞之國漢為中山屬縣王莽曰平樂縣也趙
記曰新市縣有藺相如廉頗李牧三將之宅故其城勢

作成

翁本無成字

三曲西北避相如宅東北避頗宅東南避

牧宅又云相如祖塋皆在城中今為新市鄉新城鎮居

民數百家為墟市十二月夜宿鎮上蘇氏逆旅是夜大
雪

九門故城

原注董氏族附

藁城縣西北三十里荒城一區蓋戰

國時趙邑本有九室居之武靈王改曰九門史記王出

九門如野臺以望齊中山之境是也惠文王二十八年

藺相如城之漢為縣今為九門鎮野臺在城側俗呼為

寒臺云城中世家惟董氏一族故自其龍虎衛上將軍

俊帥孤軍內附滅金之役戰死黃河之上謚忠烈其子

文炳忠獻公受知世祖身兼左轄僉樞之職討滅宋國

事載信史次文用為翰林承旨諡忠穆忠穆二字次文

忠僉樞密院諡忠貞其孫士選陝西平章孤介剛毅徧

歷臺閣號稱名臣已上十二字諡忠宣附董文炳傳其諡

則未子孫列貴朝宁當代已上六字清顯世罕及之者

翁本作世故故字吳內翰元文敏公明善撰公家傳贊

曰或曰為將三世必敗此二字其後受其不祥董氏貴

顯四世子孫數千翁本百人或曰活一翁本人者必有

後龍虎公忠獻公為大吳本將不妄殺濱死而生之者

無慮數千翁本萬人其諸以是為德與吳本後臺臣上

章累請援吳本作御翁本作授史張功臣例進封王爵

子孫辭不受蓋以滿盈為誠也余嘗過其第中見其冠

蓋蟬聯子弟皆清脩好學而有承平公子之風觀乎此

清河元公之言益信益信二字翁本作蓋可知矣內

據翁本改

南樂故翁本城原注千栢鄉縣南干吳本翁本俱誤作

詩云出宿于干飲饒于言是此山山言山翁本脫二山

也見太平寰宇記及詩地理攷

之西也俗呼為南陵城十三州志曰昔陳公子完避亂

奔齊桓公以此封之漢武帝封趙敬肅王子宅為南樂

侯卽王莽之富平也左氏傳曰齊國夏伐晉取欒其後南徙故曰南欒云城西有千金渠唐開元中縣令王佐所浚以疏積潦其堰則謂之萬金堰也

真定路之南門曰陽和其門頗完固上建樓櫓以爲真定帑藏之巨盈庫也下

吳本作上

作雙門而無棖臬通過而

已左右挾二瓦市優肆娼門酒醪茶竈豪商大賈並集於此大抵真定極爲繁麗者蓋國朝與宋約同滅金蔡城旣破遂以土地歸宋人民則國朝盡遷于此

翁本作北

故汴梁鄭州之人多居真定于是有故都之遺風焉

藁城縣西二十五里故城東高臺三所圯址尙存郭况故臺也今臺傍有三村落一曰臺西一曰故城一曰內族此卽郭后所居也昔光武擊王郎至真定過此因納郭氏爲后今臺三所作南西北三面北臺之上建盧郎神廟不知何神廟東向神像具唐服民至今祀之今真定平山縣東有綿蔓故城卽光武所封况之侯國也安喜縣東南三十里荒臺一所曰雞鳴臺世傳漢世祖自薊而南于此舍宿其地窪下遂築此臺雞鳴而發因以名云

趙州城中州衙南皇華驛之東有望漢臺此即東漢耿純所築以望東武之所也歲久摧圯宋大觀四年知軍州事劉戒惜其遺跡湮沒乃築而新之其高七尋其基延袤二百八十尺上廣六十尺仍構屋以覆之命州判官趙徽之撰望漢臺銘刻石其碑今在州衙前金刺史趙溫諤碑樓下望漢臺但一荒邱耳

趙州城南平棘縣境通津有大石橋曰安濟長虹高跨

通衢上分作三道下為環洞兩塊貽端按浙人謂橋之兩頭低處曰塊音若

拖納新居鄞用方語也字書無此字復各為兩洞制作精偉闌楯刻蹲獅

細翁本巧奇絕華表柱上宋臣使金者刻題甚多不能

盡讀有刻曰連鵬舉使大金至絕域實居首選宣和八

年八月壬子題橋上片石有驢足跡四所世傳神仙張

果老之跡或云當時匠者之戲匠者曰李春隋時人也

張果老列仙傳云果真定蒲吾人隱封龍山唐高宗召

不起明皇迎入禁中賜號通元先生後不知所終今真

定平山縣東十三里有蒲吾古城即果老翁本居也

趙州城西門外平棘縣境有永通橋俗謂之小石橋方

之南橋差小而石工之制華麗尤精清洩二水合流橋

下此則金明昌間趙人哀錢而建也建橋碑文中憲大夫致仕王革撰橋左復有小碣刻橋之圖金儒題咏併刻于下

李昉書院

自注吟臺附

元氏縣封龍山龍首峯下有宋丞相

李昉讀書堂及吟臺皆在焉李公書堂本三所東溪爲

吳本缺一字翁本爲上有者字下無缺字

浮屠所占西溪蕪沒不可考今建

書院者卽中溪也吟臺在東北隅疊石爲之高三丈餘

宋碑一通尙在逮國朝至元三年李文正公治

翁本作治誤

自翰林學士辭歸隱山中因其故基以築大成殿講堂

齋舍招延學者王文忠公磐爲撰書院記李文正公字仁卿自號敬齋云金進士欒城人也有文集行世王文忠公字文炳號鹿菴廣平人亦云金進士入國朝爲翰林承旨年九十二以壽終

徐童樹在元氏縣封龍山修真觀四周多徐童樹樹類梧桐香氣時襲人其子可以染碧移植他所則輒死俗呼爲徐童華世謂北嶽徐真君登仙于此記云駱元素遇一老人得藥十粒且告曰服此則不飢吾本姓徐氏字元英新受長桑君牒爲北嶽長史言旣化童子乘白

河朔叢書
白翁本無雲而去因以名云

中山府學講堂前有雪浪石承以丈八芙蓉石盆盆口鑄蘇文忠公雪浪石銘其石紋作波濤痕復有若臥牛立鳳之狀者昔蘇公守定日甚愛此石構小室置之榜曰雪浪齋云西廡下一碑圖石之形并刻其銘于右學中又有唐王維畫竹碑二通一黑一白世謂陰陽竹也玉華宮在真定路城中衙城之北潭園之東是爲睿宗仁聖景襄皇帝之神御殿奉安御容者也外爲紅綽楔垣牆四周槐柳森列重門棨戟廣殿修廡金碧輝映宏

壯華麗擬于宮掖制命羽流崇奉香鐙置衛士以守門

闕歲時

翁本作以

月日中書以故事奏聞命集賢院臣代祀

函香致醴遣太常雅樂率燕南憲臣真定守臣具朝服備牲牢行三獻之禮延祐間御史元永貞上疏略曰聖朝建宗廟崇孝享可謂至矣而睿宗神御別在玉華宮竊惟功德莫如太祖世祖不聞有原廟世祖神御奉安大聖壽萬安寺歲時以家人禮祭供不用太常雅樂今玉華宮又非龍興降誕之地伏望朝廷照依京師諸寺影堂例止命有司祭供罷太常樂斯得典禮之正矣疏

上不報元統乙亥監禮官薩都拉翁本天錫有詩詠其

事翁本無上四字貽端按雁門集元統乙亥秋集賢學士只兒哈丹奉旨代祀真定路玉華宮余備監禮

詩曰大禘雁門集一天香出內宮孝思與世總無窮百

年禮樂行三獻一派簫韶起半空使者領班雲氣裏女

仙搖佩月明中小臣監禮陪清列兩袖葵花映燭紅天

錫進士時為燕南廉訪司照磨云貽端按元史祭祀志

定世祖所立以忌日享祀太上皇皇太后御容本路官

吏祭奠延祐四年始用登歌樂行三獻禮七年太常博

士言影堂用太常禮樂非是制罷之歲時本處依舊禮

致祭據此云元永貞疏上不報及薩詩有百年禮樂行

三獻之語是元統時尚用太常

禮樂也元史所云殆不足信

開元寺在真定路城中鼓角門天祿坊西此即張五村

故地也寺內三門石柱刻曰大曆十二年藁城主簿李

宿撰解惠寺三門樓贊云後魏興和二年建寺曰淨觀

至隋開皇十一年改曰解惠後復改開元寺寺有千石

鐘聲聞數百里今為官府昏曉之警鐘樓棋間有趙閒

閒所遺墨跡正殿皆石欄環繞鐫刻花木禽獸人物極

為工緻纖巧寺復有轉藏經碑乃梁王承規貽端按梁

王規此豈誤衍一字抑別一人耶集王右軍書也妙絕當世復有封居

賦小篆千文碑在寺中

臨濟寺在真定府城中定遠門東街飛雲樓之東其三
門下有唐吳道子所畫布袋和尚像及搖鈴普化真讚
東坡墨竹綠筠軒詩等石刻極爲精妙寺乃臨濟祖庭
其靈塔則金世宗所建也昔臨濟和尚結茅于此嘗與
木塔河陽二師圍爐而坐木塔曰搖鈴普化果是凡是
聖普化適至揭簾而入汝謂我是凡是聖臨濟大喝一
聲普化作偈曰河陽新婦子木塔老婆禪臨濟小厮兒
倒具一雙眼世傳本寺翁本二字互易趙王鎔所賜墨君和故
宅也

趙州城中東門內有栢林院世呼爲趙州古佛道場蓋
唐末僧趙州和尚修行之所舊在城外後城旣展而在
東門內矣院西丁字街有石浮圖俗曰大石塔高可四
五丈制作極工上刻古薤葉篆亦妙宋景祐五年西廂
人所建也

中山府城中天寧寺後有小寺世傳慕容垂之後宮也
其妃以誣被殺寃血濺砌石石白血殷漬而不滅每雨
過其色愈鮮余嘗考北史垂妃無宅被殺者惟段氏諫
垂廢太子寶垂不聽寶深銜之及卽位令自殺疑此卽

段氏之血也

樂武子廟樂城縣西四里彪塚村高邱一所曰樂武臺
臺有廟曰樂武祠此卽樂伯書之廟也書謚曰武故云
廟西南有一塚曰彪塚俗傳武子獵于此射一彪死葬
于此焉

中山府文廟西宋丞相

翁本作太師

魏忠獻王韓公琦祠堂

存焉琦爲帥有惠政州人爲立祠祠下有碑一通其略
曰仁宗朝出知定州時州兵不治將爲亂及至卽用兵
律裁之察其橫不知翁本作可教者斬之有死於戰敵者賞

其家其孤兒使繼衣廩迺倣吳本作收古兵法列方圓銳三

陣親教習之由是定兵強勁可用號稱雄鎮聲振契丹

云

真定路城中開元寺後繡女局內唐清河郡王李寶臣

紀功碑一通其碑極高大永泰二年立翁本作所立也類要云

李寶臣紀功二碑一在真定府治東三十步卽此碑也

一在府西十一翁本作十步大曆三年立今在居民房屋

土底常有人掘見云

真定路城中開元寺後繡女局內復有鉅碑埋土中止

露碑首長及丈五題曰王武俊碑貞觀五年立文字皆不可考類要云王武俊碑去真定府治東門二十步即此碑也

真定路南關陽和門外史丞相遺愛碑一通螭首龜趺

高四十尺冠以華屋壯麗崇峻其文則郡教授吳時本

作起撰也碑略曰公姓史氏名天澤大都永清人國初

嗣兄天倪爵為河北兵馬都元帥尋除真定等處五路

萬戶又擢經略宣撫使世祖皇帝即位中統二年五月

二字吳本脫據超拜右丞相至元元年進光祿大夫三

元史及翁本補

年進輔國上將軍為樞密副使四年復為左丞相六年

以榮祿大夫為平章政事八年加開府儀同三司平章

軍國重事中書左丞相公出入將相幾幾字吳本脫五十年

柱石四朝貽端按五十年間所歷不止四朝下云壬辰

至世祖至元十二年乙亥薨實得四十餘年與上文所

云幾五十年者正合惟已歷五朝而此僅云四朝則未

知其儀表百辟古之社稷吳本有臣也其保障河北戰

三峯山培金擣宋皆建奇功嘗同巴延翁本作淮安忠

武王統大軍至鄂渚以病召還明年薨于位即十二年

二月七日也享年七十二元史本贈太尉諡忠武葬真

定縣太保莊墓碑翰林學士圖克坦翁本作徒單公履撰神

道碑則翰林承旨王磐撰皆敕賜文也延祐六年加贈

推忠贊治同德佐運功臣太師開府儀同三司上柱國

鎮陽王初公之治真定也披荆棘驅狐狸開城郭立官

府以招人民成天下之劇郡四方之都會武仙之亂公

兄元帥天倪遇害主吳本誤王將欲盡誅郡人以雪其恨公

恐失脅從罔治之義忍吳本誤思忿含垢亟諫數四乃得全

活壬辰招降老幼十萬餘口將護北渡翁本作度使其自便

處所或使歸鄉里一無所問其德可勝言哉公甲第今

在子城西黑軍營北第中有靜治堂青樾樓景光亭江

漢堂云十二月早渡滹沱河抵陽和門外日卓午矣飯

于旅舍遂至南關下馬讀其碑而去

真定路府學尊經閣下有劉法墨史圖石刻及楊秘監

邦基畫及金諸賢詩極精妙也舊在墨史堂今龕閣壁

云

唐恒州刺史陶雲碑在真定路府治廡下有唐恒州刺

史陶雲碑一通字為行草書筆勢遒勁而不著書者姓

名其文則唐申州錄事張義感所撰其略曰雲字大端

待學樓

按集古錄作夫舉河南伊闕人高宗時為恒州刺史其碑則永

淳三年立也昔宋歐陽文忠公為河北轉運使至真定

見碑仆府門外半埋土中命工掘出立于廡下云

三公神廟碑自注白石神君無極山二漢碑附三公神廟在元氏縣西

北三十里封龍山下其廟兩兩相對若泰階六符之狀

蓋三台近于軒轅故廟于此山今榜曰天台三公之廟

廟有漢封龍山頌碑一通漢三公山碑一通縣西故城

西門外八都神壇亦有三公山碑一通漢光和四年常

山相馮巡所立貽端按隸釋云此碑樊子義立頌末有樊君徽福之句而讚美舉將馮巡幾二

百言馮君乃常山相也據此則泐石者頌馮非馮所立也壇側又有唐三公山碑一

通八都者總吳本誤繼望八山而祭於此明帝永平中幸此

詔復租稅六年勞來縣吏下及走卒翁本誤率皆蒙恩賜其

後章帝北巡又幸元氏祀光武于縣堂祀明帝於始生

堂皆奏樂焉白石神君碑無極山碑二漢刻皆在封龍

山下

唐盧舍那珉像碑自注鐵塔附元氏縣城中開元寺有唐蔡

有鄰隸書盧舍那珉像一通貽端按集古錄目唐盧舍那珉像碑唐趙俛撰珉像

定州刺史張嘉貞所造歐陽文忠公曰唐世能名八分

以開元十六年二月立

者四家韓擇木史維則世傳頗多而李潮及有鄰特爲
難得慶厯中昭文韓公始得此本有鄰小字尤佳若石
經藏讚崔潭龜詩與三代鼎彝何異也又云其碑石刻
在中山府城中蓋傳聞之誤耳開元寺內西北院中有
生鐵塔高四五丈其制亦機巧

定武蘭亭石刻舊在中山府庫中爲天下名本今埋沒
不知所在昔唐太宗詔供奉臨蘭亭惟此本乃率更令
歐陽詢所搨也上命刻石留禁中以他本賜外臣一時
貴尙摹搨吳本惟字翁禁中石本獨完善至五代石
誤揭本脫

敬瑭棄中國而契丹耶律德光自中原輦寶貨圖書還

北至殺胡吳本誤虎林而死永康立其國交兵遂棄石而歸

慶厯中李學究者得之韓忠獻瑁始以墨本出示韓公
索其石觀李遂瘞地中李死其子出石始售于人每本

必千錢由是好事稍稍得之後李負官緡無償時宋景
文公祁守定武以公帑金代李輸之取石匣藏于庫非

故舊不得此下吳本缺一字翁本無熙寧間薛師正守是邦求者沓

至薛惡其摹打之聲乃刻別本于外以遺求者然此郡
已有二刻真贋矣其子紹彭摹他石以易元刻暗以自

別遂於古刻湍流帶右天右天本皆誤作左五字各刻

損二筆為記或謂古蹟仰吳本誤邵字如針眼殊字如蟹爪

列字如丁形又云字微帶肉此為唐刻本也大觀中徽

宗詔取此石于薛氏家其子嗣昌進納御府上命龕置

宣和殿靖康金人陷汴京其石不知所存云金以紅毯

輦歸今東南諸刻無能彷彿者天台桑澤卿世昌編蘭

亭博議一書甚詳

趙州城東北三十里平棘縣境上古宋子城城中有漢

耿球碑一通作漢隸翁本有書字蓋耿純宋子人也城西西字

吳本有有字下吳耿鄉漢光武封純為吳本侯國世謂

之宜安城至今民多姓耿皆純之後也宋子故城即秦

高漸離匿作宋子而歌之所也按衛恒四體書勢曰鉅

鹿宋子城耿球碑師宜官書袁術立球純之後云

徐整碑在栢鄉縣西南七十里栢鄉故城之西門內漢

栢人令徐君碑一通君名整桓帝時為栢人令有惠政

民懷之為立碑此即高祖動心吳本誤不宿之地也

栢鄉縣城中通衢居民檐下栢鄉尉蘭君碑一通君名

儼字望之唐會昌間吳本作尉栢鄉有遺愛民伐石立

河朔方古記 卷上 二十 待學樓

碑潞州進士張環吳本誤環製文將樹碑時皇叔觀察使完

顏從郁適朝京還因題詩一章于碑後曰鄉村吳本誤作卿材

皆願識將軍事簡將軍少出巡白酒不沽誰犯禁黃雞

無禍得司晨問者撫幼非干譽吳本誤作干舉止社吳本誤社停巫

豈慢神數尺去思碑上語後官知勸可書紳鄉人併刻

其詩于碑後

吉日癸巳石刻四字周穆王所刻也昔在趙州贊皇縣

城南十三里壇山崖石之上穆天子傳云穆天子登贊

皇山以望臨城置壇此山因以名焉癸巳誌其日也又

有四望山者謂穆王登山望祭四方者傳吳本中無此

字但云登山而不言刻石吳本作然字畫亦奇怪若杖

畫狀土人謂壇山為馬蹬翁本作鞞下文類鞞字吳本同貽端按集古錄此亦作蹬

山以其巳字之形類鞞也又按集古錄作以宋尚書廣

平宋祁以皇祐四年秋自毫吳本誤毫移鎮鎮陽道出趙州

命人于壇山石壁模得此字時趙之守將武臣也遽命

鑿山壁輦其字歸趙龕之廳壁聞者莫不嘆惋嘉祐已

亥移置高邑縣廳壁元至元二十三年乙酉復移龕贊

皇廟學之壁云

藁城縣城中文廟內內字吳本脫有漢藁長蔡湛碑一通光

和四年立并碑陰全廬陵歐陽文忠曰天章閣待制楊

旼吳本誤吹嘗為吳本誤謂余言漢時隸書在者此最為佳旼自

言平生學此字也

藁城縣九門城中有隋九門令鉗耳府君碑不載書撰

名字碑首題云大隋恒山郡九門縣本皆脫此字令鉗

耳君本皆脫此字清德之頌君名文本皆脫此字徹華

陰朝邑人本周王子晉之後避地西戎世為君長因以

地為姓曾祖靜魏馮翊太守祖朗成集二州刺史父康

周荆安寧鄧四州總管別駕安陸本皆脫此二字龍門

二郡守字畫遒勁非歐虞不能及也

九門城中有隋李康吳本康下有城字翁本作清德頌

碑一通不著書撰名氏文為聲偶而字畫奇古可愛康

隴西狄道人也碑首題曰大隋冠軍將軍太中帥本皆無此

字據集都督恒州九門縣令隴西李君清德之頌字多

古錄補訛吳本誤說闕其後曰十一年歲在辛亥大將軍在酉二月

癸丑朔十二日甲子建年上二字磨滅不可識按隋開

皇十一年歲在辛亥其二字乃開皇也大將軍在酉之

說出於陰陽家前史不載而見翁本此併記之

藁城縣九門城西浮圖吳本作碑一通題云九門縣合

鄉城人等為國建浮圖之碑唐應吳本作德誤詔四科舉董

行思吳本作文誤誤文清河傅節德吳本作得誤書唐高宗上元

三年歲在丙子貽端按高宗上元三年改為儀鳳元年所云歲在丙子即是年也而碑書上元

三年蓋改元在十一月此立於未改之前耳建浮圖在智矩吳本作短誤寺寺今

亦廢久矣

馮樂陵在新樂縣東北二十里即漢馮昭儀之墓也昔

昭儀隨其子中山孝王興就國王為母築宮于翁本作樂

里以居之樂里即今新樂城也昭儀在元帝之翁本無之字元

帝上有時有當熊吳本誤然之功成帝優異之賜御服鼓吹

孝字貽端按成帝議立太子孔光以中山王元帝之子

鹵簿宜為後成帝立哀帝為太子乃封孝王舅馮參為

宜鄉侯而益封孝王萬戶以尉其意優其舅而况其母

乎御服鼓吹之賜蓋在是時亦所以尉其意耳非必有

功而名其居曰樂里既終敕葬樂里東北因名其墓曰

然也馮樂陵云十二月原注原本缺二字早自新樂縣起午前至馮

樂陵午飯遂至荒陵眺望而去午後雪復大作

漢中山王陵安喜縣東唐河西北有二墳即漢中山哀

王憲王二翁本作之

陵世訛為二女陵非也哀王乃孝王之

三

待學樓

孫康王之子寰宇記曰涇水又名唐河自唐縣界流入

東逕吳本作經翁本作注據寰宇記及水經注改京邱北對君子岸岸上有

哀王憲王二陵貽端按自東逕至此皆寰宇記節引水經注文今攷水經注涇水又東逕京邱

北世謂之京陵南對漢中山頃王陵涇水北對君子岸岸上有哀王子憲王陵涇水又東逕白土北南即靖王

子康王陵三墳並列者是據此云頃王陵康王陵與哀

王之子憲王陵為三並無哀王陵則君子岸上實只一

陵也彼此不同或水經注舊本有異又聞中山懷王順

王夷王數陵在安喜縣境內今皆不可攷矣按寰宇記引隋圖經

又有趙惠文王陵簡王哀王陵李左車墓趙州城西七里清水之曲有高塚一所世傳

為李左車之墓塚上今為佛寺中有一井可汲餘無考

者塚上但有元魏景明二年所立兖州刺史李使君碑

一通而已

樂城縣西陲有村曰陳居陳餘墓在焉此餘遊趙日所

居死歸葬此

樂城縣城東石欄橋東二里有塚極高為漢吳本誤演蒲關

當作侯柴武之墓也隋開皇間武有遠孫為浮屠氏曰

英師死葬于塚側今臺塚亦漢制也塚旁有臺頭寺俗

訛為柴世宗墓非也近塚曰柴村即武族之所居也

真定縣南十里古常山城下冶吳本誤治貽端按河之

濱荒塚隱然是為漢膠東侯賈復之墓昔濬冶吳本又

河發古塚得骸骨異常身環鐵甲一戟在旁尋復得其

墓志始知為賈復之墓也太守馬公歛以衣衾更瘞之

時燕南憲掾孫茂先見其事後三十年告于郡知事王

德禎因礮石請監察御史楊君俊民為文刻諸石名曰

懷賢之碑以表其墓其略曰侯南陽人光武拜執金吾

冠軍侯建武間封膠東侯食六縣後罷將軍以列侯就

第卒謚剛正原注按後漢書侯嘗破五校吳本于真定

作剛無正字

誤枝

誤名

誤名

創甚光武念之約為婚姻卒後哀其成績詔葬于此或

史之所逸也又述宋洪适之言辨論埋銘吳本之原以

為自漢明帝時都尉路君墓闕吳本始至為詳博王君

字祐之保定人好古篤實君子以余為忘年友也楊君

字士杰吳本字字下有兼郡人舉進士敷吳本厯館閣

今為國子司業亦余之故人也

郎氏墓碑在新樂縣東南翁本有十五里曲都吳本村

有郎氏墓墓林中有郎茂郎穎二碑皆李百藥撰宋才

書字畫甚偉碑云茂從煬帝幸江都而卒穎事唐為大

理卿隋唐之時屢更定律令蓋法律士也穎之碑陰題
名云柱國府僚佐三十二人常山公府國官一百七人
合一百三十九人爲一卷柱國府長史司馬掾屬各一
人諮議記室司倉司功司戶司兵司鑿司法司田司士
參軍事各一人又有參軍事五行參軍十人典籤三
人常山國官國令大農各一人常侍侍郎國尉各二人
典尉按集古錄作衛六人舍人四人城局廟長學官吳本作各
一人食官廐牧各四人典府長一人典府丞二人親事
七十五人穎以貞觀四年卒此蓋唐制也

真定之西關外社壇西北隅城濠之外真定縣境上也

有褚先生墓墓下小碣一通吳本其略曰先生姓脫此

字褚氏諱承亮字茂先宋宣和六年擢第調

易州戶曹會金皇子郎君破真定拘境內舊進士七十

三人赴安國寺試策策曰翁本作目以上皇不道少主失信

舉人希旨極口詆毀先生離席揖主文劉侍中曰君父

之過豈臣子所當言耶長揖而出場屋劉爲之動容比

揭榜先生被黜餘悉放第狀元許必輩本皆誤輩自號

七十二賢榜時人謂先生曰有德先生朝廷重其名命

知藁城漫一應之尋解印去年七十終弟子周伯祿等
百餘人因私謚曰元貞先生云十二月早謁拜墓下

真定縣北十五里大安鄉曹家疇道左墓碑題曰元故

僉浙東海右吳本作左誤據翁本及滋溪文稿改道肅政廉訪司事甄君

之墓墓前一碑中奉大夫陝西諸道行御史臺侍御史

趙郡蘇天爵撰文國子司業王理書翰林直學士謝端

篆碑略曰君諱世良字賢卿世爲真定人年四十餘始

遊江南試吏四明擢浙東西憲掾進南臺察院受知文

皇帝尋貢中臺除廣西廉訪知事遷帥府都事際遇今

上于潛邸比紹翁本作入大統召君入朝臺臣奏爲山南經

歷上不允改通政都事尋拜監察御史出僉浙東憲至

元元年九月十八日十八日滋溪文稿作六日卒於金華官舍年六

十八君任翁本作在廣西調護聖躬夙夜無懈嘗書賢卿二

字賜之及遷浙東又賜緡錢五千貫緡錢五千貫滋溪文稿作楮幣五千

緡其恩眷類此子二人曰英曰蒙云蓋君之在四明也

與先君子最厚善每過余家喜余誦讀語人曰此子可

教也今予自海上歸南陽將上京師道出鎮陽竊幸拜

君之墓嗚呼二十年之間見君之窮達生死而予栖遲

待學樓

河朔談古記
草萊年益邁而學益荒負君知人之鑑矣

真定縣北新城鎮南二里許墓林蒼蔚羊虎翁仲皆白石鐫鑿極爲偉壯是爲嶺北行中書省郎中蘇君之墓隧前一碑迺蘇氏先塋之記奎章閣侍書學士蜀郡虞公集撰翰林承旨吳興趙文敏公孟頫書丹爲二絕之筆也君墓碑亦虞公撰其略曰君名志道字子寧以吏起家爲丞相掾三命爲樞密經歷延祐三年歲丙辰關中有變遂及和林人大震恐並皆奔散會天大雪深丈餘車廬人畜盡壓沒民皆枕藉相食道無行人朝廷超

拜君爲中憲大夫嶺北等處行中書省左右司郎中君

請厚價募民粟至和林以賑飢民遂得全活明年行至

京師卒其子天爵奉柩歸葬于此天爵字伯修以文章

起家敷吳本誤厯臺閣爲時名人今以國子祭酒選爲京

畿奉使宣撫貽端按史云出爲山東廉訪使尋召還充此職十二月大雪留新

城不得發至暮吳本誤稍晴遂同李亨散步至墓上讀虞

公所撰碑過墳菴又讀費著周伯琦等燕南考試回題

壁守墓者邀余二人啜茶且言昔畊墓旁得古碑之蓋

一段其制若今擣練方石字皆漫滅不可讀蘇公定爲

碑蓋也蓋古人埋銘必以石覆其碑恐土蝕其字畫故
碑蓋則大吳本篆其題目今之碑文曰篆蓋卽其遺意
也

藁城縣東南二十里倪家莊側有唐倪若水墓莊多姓

倪氏皆若水子孫也若水字子泉擢進士開元初爲中

書舍人尙書右丞出爲汴州刺史政清靜興州縣學風

化大行未幾入爲戶部侍郎復拜拜字吳本脫右丞卒

藁城縣二十里新興村滹南王先生墓在焉先生諱若

虛字從之金進士及第貽端按金史擢承安二年經義進士未云及第仕至翰

林學士國初遁此自號滹南遺老篤志經學尤長于經

義南北師尊之以爲法後登太山端坐而逝歸葬于此

有慵軒按金史若虛所著文章號慵夫集及經史諸書

辨疑行世墓前碑則元遺山所撰也有司今立祠縣學

以祀云

--	--	--	--	--	--	--	--	--	--	--	--	--



